

黃氏逸書考

通緯

逸書考

易乾元序制記鄭氏注 甘泉黃奭學

乾元亨利貞道之用也微明所接德由備也
道之用者道之所起也備乾爲天天幽微
明明之道之所交也德由是故備謂經稱
元亨利貞也

文王比隆興始霸

文王比德於乾之隆盛謂其龍德長人以
善通其嘉會利貞之義乾之以正始霸四

方被江漢之士

伐崇作靈臺受赤雀丹書稱王制命示王意
入戊午部二十九年時有赤雀銜丹書而
授之

按詩文王篇孔穎達正義引此文作是
類謀又引注稱鄭康成今故據以爲康
成所注又上文興始霸原本作興起霸
今亦據正義文改

序錄著卦科合謀

序錄序主錄著卦爲六十四卦經科設王
令之卦

言道深微幽虛恢

深微幽虛言純精無形恢大也

乾一言糺圖侯

此一言乾一守糺猶正侯要終也

按此注疑有脫誤

神爛天地塞

塞滿言乾之神明爛然滿天地之間也

文王用其不倦武發修其質素周公用其節
序三聖首乾德各就乾元利貞每遺夕惕若
厲懼後戒

言三聖俱首乾德而所有同異厚當爲亨
文王自朝至於日昃不遑暇食是乾乾不
倦武王承而行之不敢有加是乾之質素
周公制禮作樂光文武之業是乾之節厚
六長人以善嘉會通禮利慎於義幹事能
正六德靡悔戰戰兢兢三聖同之也

按節序據注應作節厚

是類摘表甄符應合命精克慎不合

甄絕三聖俱知天命能挺興衰之表象及
瑞之所應合明天命精微之道極慎不合
道也

鈎効紀錄興亡授度

效驗言天能鈎驗五精記其次弟興亡天
人皆受法度或爲授

天子必思易先知萬世爲國著柄

易言
柄本要也

察之在失之去每云天命在主標操

存在去亡操行主王之存亡天命要主之
所行用道興王也

六十四卦各括精受節以歷紀道

括從結精受節謂各用事於諸日以應紀
明天道謂寒溫之節與藏者也

因象著命取佐書以州土之運次衡伍

因象著命謂敘其世數及名姓取佐提下

輒皆以州土之運以之卦於土各有卦分
相當衡亭行爲位之

按此注疑有脫誤

一歲十二月三百六十五日四分度之一
文宜言四分日之一一日行一度因言度
餘二十

餘小餘卽上四分度之一分數

四分一日以爲八十分二十爲之

四分一日以爲大分則八十以爲小分則

二十小分四爲一大分

消息十二月月居六日七分十二月居七十
三日一百八十分居四分

消息十二月正居七十二日通計餘分八

十日四分

謹按張惠言曰則七十三日八

十分之曰也

謹按張惠言曰十二卦之餘

爲一日正餘八十分之四正文一百字百
字當爲上注八十字日字當爲有並誤也

三公十二月月居六日七分十二月居七十

三日一百八十分居四分

按此下尙應有九卿一條方合五德之數蓋有脫文也

二十七大夫十二月月居六日七分十二月居七十三日一百八十分居四分八百一十二諸侯十二月月居六日七分十二月居七十三日一百八十分居四分合德之分

五德辟公卿大夫諸侯也

謹按張惠言曰按注正文合德

合當爲五

三十日得三十五

易章句卷之三
此則五卦之餘

分三十盡十二月六十卦餘分適四百二十
分五日四分日一

其法以餘分來乘卦得四百二十

謹按張惠言曰

六七四十二也下
餘已當爲除之

以八十餘已則五日四

分日一矣此則方伯不與餘之也矣

謹按張惠

言曰言方伯不與六日
七分中之也字自誤

辟卦溫氣不效六卦陽物不生土功起

六卦謂泰卦大壯也夬乾姤也盛陽時溫

氣不效故陽物不生土功起也

按注姤下尙當有遯卦疑脫文

三卦陽氣不至疾傷日蝕既

三卦謂泰大壯夬此陽氣盛息其候決溫

其氣不至故辟憂疾日蝕既日矣

謹按張惠言曰

下日
字衍

六卦不至震水涌

其上三卦不效後二卦又不效於是陰乘

其陽

謹按張惠言曰其字衍

故地震水湧也

寒氣不效六卦不至冬榮實物不成夏寒傷
生冬溫傷成日月不明四時失序萬物散去
謹按張惠言曰後有複出此四句下云有受
者蓋謂十二卦寒溫皆不效則天下有受命
而代
之者

六卦謂否觀剝坤復臨盛陰用事而寒氣
不效萬物冬榮實物不成其衝必有大寒
傷生物者也

辟卦七十三日日分之四
謹按張惠言言曰當
云八十分脫字
常風亂先王之法度常風

常風每卦用事有暴風也

按正文法度下常風二字疑衍

寒不時所威不得其人

謂春夏有寒效也

謹按張惠言曰寒不時上有脫文後復舉之云

常寒作藏也亦不可曉原本以注在所慮不得其人下非也

秋不霜

謹按張惠言易緯畧義以下文春不

于秋不霜下又云後復舉之云霜不時殺行

春令緩刑罰冬不冰

謹按張惠言曰冬行春

令免有罪也行秋令免有罪春凍不解謹按張惠

秋令也云免有罪誤後云春
來不解行秋令執無罪也

亦謂溫效於秋初也

必有受命所亡

謂受命之君所誅滅

奢侈過度刑罰妄行百姓急不足困饑作奢
此受命所行

言王者雖有際會安在其行之會

謹按張
惠言曰

字存
誤

辟殺之法十二卦常蒙三十六年殺非受命

所亡也

常不清明非受命所亡言此君臣自相殺之候

按非受命所亡也應作正文常不清明以下應作注原本以正文混作注以注混作正文今俱訂正

卦

謹按張惠言曰卦上脫一字

不至爲三年二卦不至爲

六年三卦不至爲九年四卦不至爲十二年五卦不至爲十五年六卦不至爲十八年七

卦不至爲二十一年八卦不至爲二十四年
九卦不至爲二十七年十卦不至爲三十年
十一卦不至爲三十三年十二卦不至爲三
十六年

不至謂溫不效

謹按張惠言曰脫乃不清寒字下乃當作及

乃不清

明也

卦始用事象東風雨

謹按張惠言曰雨當爲至下于字當爲下象

施于也

按于下疑有脫字

西方

詳按張氏易緯畧義西方作西風

至象作威也南風有

罪也

謹按張惠言曰後復舉之云南風至免有罪也此脫至免二字

按有罪上當有脫字

北風至孰

謹按張惠言曰後文作孰此誤字

無罪也

按孰疑應作殺蓋以殺變煞而誤者

東北爲雨西南爲正東南爲溫西北爲寒

謂始用事也

按此注原本混入正文今訂正

用事東北爲雨西南爲正也東北南西皆風

東南溫西北爲寒

皆謂用事日也

按東北南西二句原本混作注皆謂句
混作正文今俱訂正

觀六四知其正此候及四位之人非獨辟之
謹按張惠言曰之當爲也候卦要法謹察卦用事日分數
當寒者寒當暑者暑當風者風當雨者雨此
平法

二爲升氣五爲降氣升陽爲陽
謹按張惠言曰陽當

爲暑升陰爲寒降陽爲風降陰爲雨也

謹按張惠

言曰升降皆當視三上耳此用二五字誤也

謹司六月中寒溫風雨記其日與時發時以驗方來萬全不失一

降効驗也

夏升降寒陰

謹按張惠言曰此誤當云夏升陰降陰寒

三過度涌

水爲敗夏升陽降陽溫三過度降雨爲敗

謂六三上六也當微寒過故爲敗也

坎初冬至廣莫震初春分明庶離初夏至景

風兌初秋分霜下卦候到占法

此四卦者始效分至二十四氣之主故候

其初用事以占之

謹按張惠言曰之當作得

失

復姓角名宮赤黃色長八尺一寸三十六世
臨姓商名宮黃白色長八尺三寸一分七十
二世泰姓商名宮黃白色長七尺六寸三十
六世

按隋書王劭傳稱坤靈圖云泰姓商名
宮黃色長八尺六十世與此不同疑此

卽引坤靈圖原文而傳寫互異者

大壯姓商名角蒼白色長七尺三寸九分百三十一世

右聖人受命瑞應之至聖人殺龍聖人興起河圖出之者

按此與上下文不相屬當有錯誤據隋書王劭傳馬驢繹史引坤靈圖文有聖人受命瑞應先於河瑞應之至聖人殺龍龍不可得而殺者皆盛氣也云云疑

易章句卷之九
卽此文而中有脫落耳

姤姓角名商蒼白色長六尺三寸二十八世
遯姓宮名商黃白色長五尺九寸八分五十
六世否姓宮名商黃白色長五尺六寸一分
七十二世觀姓宮名角蒼白色長五尺三寸
二分百三十世剝姓商名宮黃白色長五尺
九寸九分百二十世

古謹按張惠言曰當作在

君子得衆人所助聖人興起

必乾土故大人動得中君子受命法地蛇

聖人興起必乾土之中者言必擇土中天下也此在簡拆預在此章之載

按毛詩孔疏引坤靈圖云法地之瑞黃龍中流見於雒又馬驢釋史引坤靈圖云君子得衆人之助瑞應先見於陸瑞應之至君子法地蛇不如龍陸不如河與此文俱相合疑自古君子以下俱當爲坤靈圖之文而中有脫簡耳

乾姓商名商白色享國百二十

坤姓商名宮黃色享國百二十
震姓角名蒼色享國七十二

按名下脫一字

巽姓角名角蒼色享國六十四
離姓徵名徵赤色享國六十四
兌姓商名商白色享國六十四
坎姓羽名羽黑色享國七十二
艮名宮黃色享國七十一

按艮字下脫去二字

帝者雒書居處法

亦宜有右字以脫耳

按居處法蓋亦雒書緯名以上疑引其詞而以此語題之故云脫右字也

復始祖受命而王子孫入其元百六歲當陽旱不生

此天下故災之常也王者受命皆有災會但言夏者舉一隅小示之也不生物無生者也災其惟以入軌年除軌數算盡則厄

也甲乙爲饑丙丁爲旱率如此也

按據注則正文應有夏字疑復卽夏之訛也

賢子繼世而立有災方來豫畜而待之此所謂轉禍爲福天災雖至萬民無饑寒之色

按以上疑亦坤靈圖注文而混錯在此者

冬溫傷藏日月不明四時失序萬民散有受者常寒作藏也霜

按此處原缺一字

深也溫賞予也雨不時特妄賞賜也霜不時
殺無罪風不時令妄出也冬不冰行春令免
有罪也春凍不解行冬令執無罪也西風至
作威也南風至免有罪也北風至執無罪

皆謂卦之不効逆四時

夏升陽降溫三過度雨爲敗

謂九三上九也當徵而遇過度其敗宜爲

風也

謹按此注張惠言移在上文降雨
敗下徵作徵下注云脫溫字

坎初六冬至廣莫風九二小寒六三大寒六
四立春條風九五雨水上六驚蟄震初九春
分明庶風六二清明六三穀雨九四立夏溫
風六五小滿上六芒種離初九夏至景風六
二小暑九三大暑九四立秋涼風至六五處
暑上九白露兌初九秋分閭闔風霜下九二
寒露六三霜降九四立冬始冰不周風九五
小雪上六大雪也

通緯

逸書考

易辨終備鄭氏注

甘泉黃奭學

孔子表河圖皇參持曰天以斗視日發明皇以戲招始掛八卦談

皇參持河圖名也言以北斗之星視聽而以日月發其明以昭示天地三皇伏戲始卦以示後世之人謂始觀見之矣

煌煌之耀乾爲之岡合凝之類坤握其方

煌煌光輝之貌耀日月五星也皆以乾岡

圖言盡繫於天也方道也合凝爲首形之類坤則握其道皆繫於地也

雄雌呿吟六節搖通

雄雌天地呿吟闔閉也六節六子也搖通言六子動行天地之氣繫曰閉戶謂之坤闔戶謂之乾又曰天地定位山澤通氣也

萬物孳甲日營始京

謹按古微書日營始東下有震也二小字注闔

困學紀聞一引辨終傳煌煌至始東下云六節蓋謂六子日營始東震也古微書震也二

此字本

孳生也甲東方之行物所生故數以始也
三五環復七十六載閏反常

三五千百二十歲歷歷復其本七十六載
則餘分盡言天終則後始者耳也

旋出樞乾機據參衡出坤離授提巽招震卯
乾正旋樞衡招皆北星值乾君之象旋星
出樞之政教機正機之發動故其位據參
西方之宿五事五方爲言猶君出政之言
也玉衡之星言主布天之手法於坤離授

明提巽招震之職權君平事之臣卯東方之宿也

按五事五方與正文不相應疑有脫文
緯羸縮辰中効當

緯五緯盈縮行有進退也辰星仲謂卯酉
子午候星辰之常以四仲之月視其効當
與否也

必視熒惑所在時殃

熒惑主理天下故必候之以知時禍

循歲德鎮之光

鎮主章存德故候星之光以故德之所生也

拒白甄商金大謀兵

拒白太白之主殺罰而金宿故甄商金聲言太白大爲眾之候元武兵大謀之也

雪霜水疾旱饑喪地動山崩淪慧隕物恡悖
淫

崩淪若步庶崩者也慧慧隕隕石也立社

稷之類悖見淫敗也

負之傍害水決江德潰河空移徙赤黃

負之示聞滂水決貌江德潰亦謂決亂而出也空竭乏移徙地震之類也踊起物怪踊躍出見以日昴衝望之日乘陰風

按示聞二字疑誤踊起以下與正文不相應疑有脫文

箕風飄石折拔樹酷深

酷暴也飄石折樹言繫夾也暴深害物甚

也

長大卒嬉暴大楊

暴大言不以漸楊楊大貌也

解裂珥偶虹蜺夔行

解陷也淪也裂地圯珥偶虹蜺皆日傍氣
名妖

沈藏相桐水害滂滂滂

沈藏當藏以物相當爲桐射發立也滂滂
水貌也

日之既陽德消月之毀刑將將

日既日蝕明盡故陽消月之毀亦謂月蝕
常過也陰將將大也陰主刑陰似脫文

大恠土蒙羣鳥却野獸羣遊人孽

來濟者來成也其氣不效君不能修德杜
漸防萌黃霧滿者亂氣起也朝方陽埃寇
將來十刃之莫四出虵牛招尸益士與之
開皆離坎之異也鱗出者聖人將起授之
符緯有王者則聚生五帝之坐其帝將王

則其坐亡先也

按此注皆與正文不相合疑有脫簡

按錄視天比象由

按錄按河圖之錄又視按王光之異比其象以觀其光由起也

神靈悉存八八通時

在察也神靈三光異及符瑞也既按三光之異及符瑞以知起者所由以六十四卦通其謂以向

按正文無在字而注言在察也亦疑有脫文

小辨終備無遺戒邾知億察世郵

世郵邾變也

帝王奉命永安治

命猶書也

至哉易三聖謀專密惡必孰思

三聖伏羲文王孔子

按史記張守節正義引易中備云孔子

正月爲商瞿筮曰瞿當有五丈夫子子
貢曰何以知之子曰卦遇大畜艮之二
世九二甲寅木爲世九五景子水爲應
陽爻五應有五子云云檢今書無其文
蓋非全本也

自伏羲已來漢永和元年比四十萬九千三
百八十九歲

按此爲後人所加非易緯本文
補遺

易辨終備

月畫見陰謀合國雄逃朋元占經

蛙聚大盜出

占經龍魚
占

日再中鳥連嬉仁聖出持知時古微書

通緯

逸書考

易稽覽圖鄭氏注

甘泉黃奭學

推天元甲子之術

置天元已來年數以六十去之不滿六十者以甲子始數算盡之上所得之日卽生歲之卦諸變皆如卦十所年歲月朔日辰直子日者卽生今月之卦今日辰直五子之日卽是今日之卦也諸改變異並與歲同占至歲之卦當隨太歲

而移之行一子終則反始無有窮也

至年

今隨己亥三十六年

推易天地人之元術

先置天元太初癸巳元年一百九十萬
八千八百五十三歲乃始太初元年已
來載數至所求年歲上以六十除之不
滿六十者以從甲子所數算盡者之上

卽今歲用事

已上寫出一紙本經易緯無之此於三備上錄出以

廣本耳其所寫三備並從前立卦者皆不寫以緣此本有更不能再出故此本

兩存耳從後卽是易緯
本經非三備所有也 易天地人道元

至宋元嘉元年一百九十萬六千三百
八十算外從元年至今大唐上元二年
乙亥又積三百三十八年

按以上推衍天元歲數乃後世術士所
加非易緯本經據馮椅引中興館閣書
目有李淳風續注易緯其一推天元甲
子之術其二推易天地人之元術與此
相合疑卽出淳風續注本也原本此文

與甲子卦起中孚句相連屬乃傳寫淆
混黃震日抄謂此書言至今大唐上元
二年乙亥卦起中孚亦誤連正文讀蓋
南宋寫本已然今退二字書之以別于
正文

甲子卦氣起中孚

卦氣陽氣也中孚卦名也中者和也孚者
信也經言中孚豚魚言庶人養也舉庶人
言之其所養微也言微陽生於坎而爲雷

聲尙未聞於人而知於律厯俞助作也若

言天子出耕諸侯當而耕也故以言之

謹按

張惠言易緯畧義微陽生於坎下作而氣尙微寒寒溫未知萬物變飛律氣先得中孚卦氣乃信愛而養之故言卦氣起中孚也蓋從殿板按語而以爲雷聲至律麻移在後文太陽霓出地上少陽時並而聲微

下注

按後漢書郎顛傳注引此文作卦氣起

中孚原本脫氣字今補入又注文自雷

聲尙未聞於人以下文義與上不合似

非本注據郎顛傳注所引甲子卦氣起

中孚六日八十分之七二語本連屬成文而此本後文陰還雨陰威色注內陽生於坎氣尙微云云皆言卦氣起中孚之義與此注所養微云云詞義符合當爲此注原文無疑其下卽與六日八十分之七句相接太陽一二云云恐亦非本經次第蓋舊時傳寫錯互遂併正文而亂之今旣無別本可證未敢釐定姑仍舊文而增識所疑於此

太陽一二以上自雷雷聲謹按張惠言曰太陽一爲泰二大壯
大壯有震故以上自雷雷始聲聞也

太陽謂一謹按張惠言曰當爲二月大壯一二者陽

爻在上謹按張惠言曰大壯陽在上卦雷聲盛聞於人得

自雷其卦中謹按張惠言曰卦中有震是消息臣強君

弱雷從解起

按此文自雷雷聲義不可通而郎顛傳引孔子曰雷之始發大壯始君弱臣強從解起與此注相合疑正文亦有脫誤

易和圖
當雷不雷太陽弱

春分之後當雷不雷君弱於道德也

按此文亦即顛傳所引

不當雷而雷太陽弱

秋分之後不當雷而雷此君弱于

謹按于當作于

度誅罰不行邪臣跋扈於下陽氣放洩則雷冬行亂冬傷陽也

不少陽爲雷上侵之比也

離卦

謹按張惠言曰離當爲雜

九三用事而雷

謹按張惠言曰

謂非泰卦之分若需也下否字當作比 臣欲侵其君之否也

按正文不字疑衍文

先白乃當雷

至秋分日色先白則知秋分後必當雷不

雷者刺其君

謹按張惠言曰秋分卦在竟

分後時有當雷不春分之後雷秋分之後

不當雷若反雷必逆也

降陰下迎陰起合和而陽氣用上薄之則爲

雷

陽氣風也

雷有聲名曰雷有光名曰電

按此句舊本混入注文今訂正

迎陰獨起陽上薄之其電炎炎也漫漫也其

電

謹按電當爲雷

淳淳也

此君臣不和之象也

陰陽和合其電燿燿也其光長

謹按占經一百二引作爲

電輝輝也御覽十二說邠五並同清河郡而本亦作輝輝下有鄭注云輝輝大光也

雷殷殷也

此君臣道和謂三氣合也三氣者降氣下
迎陰氣起風氣上薄之和合電爲之雷空
虛有賢人之當其實者也謹按此疑有誤故曰殷
殷也

按孫穀古微書引此文作爲電輝輝也
未詳所據

非太平而雜卦以其度效一辰則可矣

雜卦九三上六決溫九三上九微溫六三

上九決寒六三上六微寒日

謹按張惠言曰日上脫六

字七分中一辰效則可也

謹按張惠言曰
謂不必當爻分

按九三上六舊本作九三上九九三上
九舊本作六三上九今據後注文改

唯消息及四時卦當盡其日

寒溫之氣消息盡六日七分四時七十二
分也

太平之時太陰用事

謂從否至臨也

而少陽卦當效時至則於效分上一時

雜卦用事至於三爻三初九三上六決溫
九三上九微溫臨分上辰也謹按張惠言
日三爻用事
之分

按注三爻下三初二字疑衍文

非太平以其卦分效則可

以兵六日七分一分效則可矣

未可責時至立效也太陽用事

謂從泰至遯

少陰卦爻亦如之

雜卦用事效六三上九決寒六三上六微
寒亦如效少陽也

凡形體不相應

形謂白濁清淨可得而見故言形體者以

身體寒濁

謹按張惠言曰濁當爲溫

也不相應者溫不

清淨寒

謹按張惠言曰寒下脫不字

白濁也

皆有其事而不成也其在位者有德而不行
也

德者帝王之道其在位者廢而不行故不

相應之道也

有貌無實

白濁清淨效寒溫不效此佞人之類也

有實無貌

寒溫效白濁清淨不效此賢者之類屈道仕也

故言從其類也上爲貌也寒溫爲實

白濁清淨其上貌寒溫者是爲實

溫爲尊寒爲卑

溫喻君寒喻臣君當施生臣當奉命尊卑等也

故尊見卑益自尊卑見尊益自卑則寒溫決絕矣

九三應上六

謹按張惠言曰當云九三應上九六三應上六脫字耳

六三應上九則寒溫決絕可知

兩尊兩卑無所別

君臣道

謹按張惠言曰當爲尊

卑不見相使

則寒溫微不絕決

六三應上六寒不絕決

謹按張惠言難別曰亦脫溫字

知也

按注六三原本作九三今據後注文改

陰陽升所謂應者

謹按張惠言四字蓋注文

地上有陰而

天上有陽曰應

六三應上九寒相應

謹按張惠言曰當云陰陽相應下寒溫溫

字寒溫白濁

俱陰曰罔

六三應上六兩陰無相見之意故無應者

天鬱然而罔也

謹按張惠言曰罔者鬱然寒溫不決絕之貌

地上有陽而天上有陰曰應

九三應上六陰陽相應清淨寒溫

謹按張惠言曰

寒字衍

按地上有陽十一字原本混入注文今

訂正

俱陽曰罔

九三應上九兩陽無相見之意曰罔罔故

故爲亡也

謹按張惠言曰故書盡爲亡

小畜乾位比

比九三陽爻故言比謹按張惠言曰四月之卦小畜與乾位相

次皆九三上九

然息之卦當勝雜卦也

九三俱當溫乾之溫當有不效者至衝事發矣盛氣行也何以夷狄來朝消息效四時效乃來朝也一曰少陽卦不效爲水太溫甚者爲旱爲秋榮冬雪少陰不效爲旱爲賊爲兵雖消息及四時卦效各盡其日

息卦主祿消卦主刑四時四方主刑兵故
曰左右前後

按後文上有陰百二十日爲雨注內勝
小畜溫也五字似當爲此處本注而錯
入彼注者其自消息效四时效以下乃
論卦效之驗與正文不相應似又當在
後文左爲右前爲後之下而簡錯在此
也

降陽爲風

上九用事卦效後一百二十日降爲卒風其不效也後九十一日降爲災風天惡氣不得上天中九十一日爲災風其陰不時卦四方生形也故曰降陽必爲其風

按注文其陰不時句疑有脫誤生形疑當作主形

降陰爲雨

上九用事卦效後一百二十日降陰爲雨謹按張惠言曰其不效亦後九十一日降爲災雨也

按注上九用事九疑作六

昇氣上降氣微

君弱臣強不得以時昇降昇氣喻君降氣

喻臣

是故陽還其風必暴

君弱臣強君令不得行降氣積後一百三

十二內

謹按張惠言曰消息陰得同類并

下故薄故必暴也

陰還其雨亦暴

臣強君弱君澤不得行降氣道積後一百
三十日內得同類并下故薄也一曰昇降
氣爲陰陽卦昇於九三六三謹按張惠言曰此則每卦
一升寒溫過暴疾起時降氣而上也降氣盛
至十日七日近三日四日其降也有鳴風
之口發屋折木之風是一百三十日故曰
一還也

按正文還字上原本脫陰字今據後文
補入

降陽之風動不鳴條

動搖萬物和適不迅疾鳴條也

降陰之雨潤不破塊

謹按御覽十引作潤而
不破塊清河印本作潤

而破塊下有鄭注云王下太平雨不破塊陽
過於陰則雨潤而破塊也降下也

潤澤和適不疾沛破塊

按孫穀古微書引此文與降陰爲雨句

相屬疑以上四語本俱在降陽爲風降

陰爲雨二語之下或有倒簡耳

還風者善令還也

還暴也君出善令蓋者若

謹按張惠言曰三字有誤

百

姓君弱臣強還而不行陽氣道積不以時降後得同類并下故暴也故曰令還也

陰還雨陰威色

還暴陰陽生於坎氣尙微寒溫未知萬物變形律氣先得中孚卦氣乃信愛而養之

故言卦氣起中孚也

謹按張惠言易緯畧義還暴下作臣強作

威者使臨作反皆盜賊誅殺暴罪威行於下君得不降氣道積以時降後得同類并下故暴案臣強云云在下文大陽霓出地上少陽時並而聲微下注張氏又云使臨

作反皆盜賊七字錯誤君得得字當爲德
以時降三字衍而以氣尙微至中孚也移
於前卦氣起中孚下

按正文陰威色疑當作陰威也又注與
正文不相應俱應爲簡首卦氣起中孚
句注文蓋因陽生於坎四字相近錯誤
在此而反佚其本注耳

六日八十分之七

六以候也八十分爲一日之七者一卦六
日七分也

按自此爻以下至左爲右前爲後皆論卦氣之法應依漢書注所引與卦氣起中孚句相從卷中錯簡頗多今但隨文致疑未敢擅改

而從

從得一卦

四時卦十一辰餘而從

四時卦者謂四正卦坎離震兌四時方伯之卦也十一辰餘者七十二分

謹按張惠言曰謂一

日八十分而從者得一之卦也

坎常以冬至日始效

坎北方卦名微陽所生卦效爲夷不侵以

溫效

謹按張惠言曰卽不效也

爲四夷來侵也

復生坎七日

復卦各

謹按張惠言曰各當爲名

生坎七日復時一陽

生於陰之下陽氣交故經言七日來復一

正之

謹按張惠言曰有脫誤

者也

息消及雜卦傳相去各如中孚

謹按張惠言曰消息復臨

泰大壯夬乾姤遯否觀剝坤也餘爲雜卦

消息六日七分四時卦七十三分

太陰用事如少陽卦之效也一辰其陰效也

盡日

太陰謂消也

謹按張惠言曰消下脫息字

從否卦至臨

爲太陰雜卦九三爲少陽之效

謹按張惠言曰卦例

九三上九當微溫九三上六當決溫六三上六微寒六三上九決寒也

雜卦

九三行於太陰之中效微溫一辰其餘皆

當隨太陰爲寒其陰效也盡日爲

謹按張惠言曰

當作
謂 雜卦六十三行於太陰中盡六日七分也

按正文少陽原本作少陰一辰原本一陰今俱據文改正

太陽用事而少陰卦之效也一辰其陽也盡日

太陽謂消息也從泰卦至遯爲太陽雜卦六三行於太陽之日中效微寒一辰其餘皆當隨太陽爲溫效盡六日七分也

按注文謂消息也消字衍又微寒原本作微陽今據文改正

消息及四時卦各盡其日

消息盡六日七分四時盡七十三分

卦身效弱也

謹按張惠言曰身字疑誤當爲不下同

五弱於道德

謹按張惠言曰五當爲君

四時卦身效爲兵

以寒侵爲兵氣所起兵所致也以溫爲莠狄相攻之道也

左爲右前爲後

東方爲左西方爲右南方爲前北方爲後
一百二十日降爲辛雨其有陽一百二十
日而風謂上九用事後一百二十日降爲

卒風

謹按張惠言易緯畧義北方爲後下
作有不效者至衝事發矣盛氣行也

何以夷狄來朝消息效四時效乃來朝也
一日少陽卦不效爲水太濫甚者旱爲
秋榮冬雪少陰不效爲旱爲賊爲兵雖消
息及四時卦效各盡其日息卦上祿消卦
主刑四時四方主刑兵故曰左右前後此
蓋依四庫校說移前文富勝雜卦也下注
於此張氏又於盛氣行也下云此爲卦氣
不效應期也左以右爲期前以後爲期故

曰至衝事發又云雖字當作唯

按注中一百二十日以下云云俱應在
後文上有陰百二十日爲雨句下彼注
中上六用事五字當在此注二百二十
日降爲卒雨九字之上自其有陽至而
風十字復當爲正文謂上九至卒風十
五字復當爲注文疑傳寫者以後字文
相同而錯誤在此又混正文入注遂不
可辨耳

諸卦氣溫寒清濁各如其所

諸卦謂六十四卦也氣謂用事所當效氣

溫寒清濁各如其所者九三上九清濁微

謹按張惠言曰此誤也溫當清淨寒當白

濁正光歷曰九三應上九清淨微溫陽風

九三應上六終赤決溫陰雨六三應上六

白濁故寒陰雨六三應上九麴塵決寒陽

風諸卦上有陽爻者陽風上有陰爻

者陰風此注當云九三清淨微溫 九三
上六當溫其微白濁 謹按張惠言曰此文
而脫下名字之 故名各如其所也說寒
季說字並衍 則當白濁則淨消 謹按張惠言曰當
云溫則當清淨 此四

時氣候也各當得其正也

侵消息者

溫卦以溫侵寒卦以寒侵

謹按張惠言曰
請雜卦氣侵消

息卦

或陰專政或陰侵陽

陽者君陰者臣臣專君政事亦陰侵陽臣
謀殺其君亦陰侵陽也

按後漢書郎顛傳注引此文作陰專政
舊本訛陰爲陽今據改

侵之比先蒙

蒙之比非一也先蒙者臣將欲侵其君亂

氣而起

謹按張惠言曰當作起而

按陸德明釋文引稽覽圖云無以教天下曰蒙今本內無此語或卽此處佚文也

三則震

消息比三卦蒙盡六日七分則震者地動陰正蒙也陰不靜臣氣盛故地動故曰三

則震

專政者言陰爲之雖正不得專也猶當歸之於陽

臣當爲而後爲之復行之也

謹按張惠言曰謬

專之一則震

臣專君政甚則非其必待三也一則震矣

甚者一卦六日以寒陰加以還風而溫蒙

侵消息後九十日則震還

謹按張惠言曰還字衍

矣

以風雨止時爲期

謹按張惠言曰謂晝止則晝震暮止則暮震

侵甚則蝕矣其加寒溫

食非必待三時也一侵則食矣其加溫寒
謂春夏寒太過秋冬溫疾風發屋折木太
陽無光有影無形

按侵甚則蝕矣其加寒溫九字當爲正
文原本混入注中今訂正

原其劇易

一則震一則蝕易乃三震三日乃蝕故曰
原其劇易之道也

賊陰逆實者霜

賊陰者言人忍壞賊治人也

謹按張惠言曰字有誤

逆者非其時實者從上也霜者霜以非時

殺物無霜而殺物亦賊之陰

謹按張惠言曰之字衍

故陽虐之應旱實霜以殺萬物萬物終歲不復生

君行暴虐誅殺暴

謹按張惠言曰當作無

罪天應其

行旱霜殺萬物則終歲不復生也

按虐原本訛作唐注中又訛作虎今並

據文改

陰假威之應亦旱實霜而殺物

假威者言君使臣按問則臣反假君威而殺之心也天應其行亦旱霜殺萬物不言終歲不復生何庶幾君能覺悟誅之也君所殺下無復望故言終歲不復生也

按心也心字疑衍文

至實霜時根生榮不死

至九月剝用事時當實霜殺萬物今不實

霜萬物皆復榮不死也

斯陽假與陰威之烈責陰假威誅

按責字疑賊字之訛

而陰不能誅

謹按張惠言曰賊陰假陽威以誅而正陰反不能誅故霜不責

好行大虐則旱責霜好行小虐則水害物離各如之

按離字疑當作雜卦字

當責霜者法廢

九月剝用事當責霜殺物化成今不責者

也

陽無得則旱害物陰僭陽亦害物

按後漢書郎顛傳引此文得作德蓋德得古字通又陰字原本訛作陽今據傳

文改正

觀其政以別之陽之以木

謹按張惠言曰當爲水

爲災

也於春夏水而殺萬物陰作之以水爲害也於秋冬降陰不行

君施不行

而迎陰獨起爲雨雨少必殺旱異者旱之

謹按

張惠言曰

而不害物也斯祿去公室福由下

施故陽雖不施而陰通行之德以成物也水異者而不害物也

按水異者下據文疑脫水字

斯陽欲誅而不能故降陽不時雨并合也降陽見南迎陰見北北不能雨白直黑而後雨或先迎而後降陰不下時迎陰不起承陽迎陰氣久陰不雨亂氣雲之起也觀本所起卦

人爲之

按此氣本從何卦起所從起卦人所爲也降雲之陰君謀臣之陰迎雲之陰臣謀君之陰也

太陽霓出地上少陽時並而聲微

太陽正月泰卦

謹按張惠言曰從泰至遯爲太陽非泰卦爲太陽也

霓出地上者陽散始出霓與地平少陽得

時並而當雷少陽謂泰卦也

謹按張惠言曰泰卦九三

上六故曰少陽用事於正月泰氣得用並臣強作

威者使臨作反皆盜賊誅殺暴非所行於

下君得不降氣道積以時降後得同類并

下故暴

謹按張惠言易緯畧義泰氣得用並下作而爲雷聲尙夫闕於人而

知于律麻而以臣強至故暴移于上文還陰雨陰威色下而爲雷聲至律麻見首句卦氣起中孚下注張氏又於爲雷聲下云正月入太陽分竟始出地九三少陽得時與太陽並故爲雷聲律麻下云夏至正日啟蟄必雷雷不必問惟雉爲必聞之也

其入消息日圍

雜卦用事以風雨若寒溫入消息卦一二

分一二日盡後見此前後

謹按張惠言日有誤

名曰

求雜卦用事以寒溫若暴風雨徑出入消

息卦一二分若一二侵

謹按張惠言曰亦有誤

徑出

消息下歷雜卦名曰陵此皆臣侵之象漸也先犯之君不覺悟則圍君復不覺悟則侵此臣威令行也氣所發陵所止其謀者也氣消息卦中出歷雜卦名曰乘及諸侯卦以寒溫風雨而尊卑侵相乘皆如此故曰消息日圍也

觀本所起卦人爲之

觀寒溫若風雨本從何卦所起卦人爲之也

一則圍三年

一圍後消息當不效三年則日蝕之兆也以風雨濟止時爲期

晝止則晝蝕夜止則夜蝕

按濟卽霽字周禮太卜注引洪範曰濟曰圍

晝則爲蝕既暮則爲星亡之蝕

晝不蝕既暮不星亡不能成災爲異而已矣

三則圍

三蝕三旣若三星亡則圍者亡已滅之象也河出圖洛出書更有所命也

還風雨起消息則陽誅罰妄

還風雨起於消息卦中者君妄誅罰無罪

消息居卦中卦而已不

謹按張惠言曰四字有誤

分則他

卦爲之

還風雨自居卦分中則君自所爲也出卽

分

謹按張惠言曰當作分卽

他卦人教君爲主消息所

爲無害物也卦人教君爲之則風雨害物

以此別之一日還風從公入消息者臣率

君爲非也從消息入侯卦者君率臣爲非

上侵下侵等卦

謹按張惠言曰蓋謂上侵下侵等卦亦同此例脫字

也

按正文息字上據注當有消字原本脫

今補入

上有陰百二十日爲雨

上六用事後勝小畜溫也

按此與上下文不相類注中勝小畜溫之語義亦不倫今覈其文與上左爲右前爲後注內二百二十日降爲卒雨云云詞義相連蓋本爲一節錯誤在此以致首尾舛互當爲正文云上有陰百二十日爲雨注云上六用事後一百二十日降爲卒雨又正文云其有陽二百二

十日而風注云謂上九用事後一百二十日降爲卒風文意明白自無可疑又注內勝小畜溫也五字當屬前小畜乾位比息之卦當勝雜卦注內之文錯出於此

別相侵則一實氣不以貌謹按張惠言曰別當爲辟卦相侵爲不效也辟卦相侵但論實氣不以貌氣一當爲以

寒溫爲實白濁清淨爲貌別相侵以謹按惠言

日當云不以白濁清淨也

有實無貌屈道人也

有寒溫無白濁清淨此賢者屈道仕于不肖之君也

按屈道仕三字原本作屬壯今據後漢書郎顛傳注所引文改正

有貌無實佞人也

有白濁清淨無溫比

謹按張惠言曰當爲此

佞人以

便巧仕于世也賢者有美道上屈不肖君但無實氣效耳佞人無美道可以便巧仕

故但貌氣效之

按原本注文便巧仕下脫于世二字今據郎顛傳注增入

消息無爲屈故無效也

消息至尊無上但效寒溫不效貌氣也說

謹按張惠言曰說一說也消息上無所屈但貌皆相應

也故無貌矣

剝陰氣上達實霜以降

剝九月之卦陰氣上達於五霜始降副

謹按

張惠言曰 殺萬物
副同臨

寒氣以殺萬物成刑

寒氣當殺落萬物歲成熟其長大而刑之
萬物成也

不至則太陰不强霜不以時降萬物必有不
成刑者則有傷年之災

此君弱刑罰法度廢不行之象也傷年者

傷霜當傷生物也

謹按張惠言曰當
霜不霜春必霜殺

一曰

太陰不强則其日蝕微則其旱爲霜發于

衝日其無赤但霜

謹按張惠言曰有錯誤

按霜不以時降以下十九字與上文實
霜以降云云相對當爲正文原本混入
注中今訂正

十一月微溫比十月

十月離

謹按張惠言曰當爲雜

卦九三上六效溫如

十月之氣也

按上六當作上九

其決溫比九月

九三六二效溫如九月氣

按六二當作上六

三月微寒比二月以決寒比正月

三月雜卦六三上六微寒如二月之氣六

三上九決寒如正月之氣

按原本正文微下脫寒字今據文增入

冬至之後三十日極寒

謹按清河郡本極寒下有鄭注云躁極生

濕也

三十日後太寒過正爲實

夏至日之後三十日極溫

謹按清河郡本極溫作極熱下有鄭

注云濕極生燥也又說郭五亦作極熱

三十日後大溫過正爲實

謹按張惠言曰爲實所謂寒溫

爲實者

仲春之後微溫却三十日

仲春者春分也

決溫却六十日

至夏至也微者則知于身決絕者可知

按据注決溫上當有脫文

冬寒過甚有所害亦賊陰也賊陰亦爲圍蝕
于正陽

蝕者月

謹按張惠言曰當爲日

蝕陰侵陽臣殺君之

應

按原本賊陰俱訛作則陰今改正

正陽者二月至四月陽氣用事時也三月之
末四月之本

於是蝕日者世子所殺也

或二月之末三月之末

謹按張惠言曰當爲本

四月之

本 謹按張惠言當爲末

於是蝕日人君所殺也蝕必以怒上者傷
君蝕於下者傷民下也

蝕日月相薄之日在前後各鄉陰之地侵之

或不從陰所來者有行事師不載

謹按張惠言曰各有

行事師說不載故不言也

太平時陰陽和合風雨咸同海

內不偏地有阻險故風有遲疾雖太平之政

猶有不能均同也唯平均乃不鳴條

謹按御覽九引

同清河郡本太平時作天下太平乃不鳴條下有鄭注云天地合則風不鳴條不合則不

均同故欲風於毫毫者陳留也謹按張惠言曰故欲風以下未曉其義所在

按自太平時以下隋書王劭傳引其文原本以太平二字入正文而時陰陽以下俱混入小注今據劭傳改正又毫者陳留原本作毫有陳離今亦據王劭傳改正

蟲食木實曰高

謂食木顛

斯割下啖上之異食心白內下比掩惡適足以害民食外曰莘食下曰根斯教令煩擾不任職也以政別之

各以蟲所居別知其吏

按此九字當爲注原本混入正文今訂正

非真而直

按此四字疑有誤

蟲子生人畜生人也其非人也必害良臣

愛命者小人也故必害良臣也蟲子生人者言陰以更生陽其非人也者物蟲子生人支體有不具者若人生六畜物也然必害良臣猶紫奪朱

按蟲子生人者以下當爲注原本混入正文今改正

噬嗑反則有口實之變治道得則陰物變爲陽物

葱變爲韭亦是

按隋書王劭傳引此文又引鄭康成注
有此六字原本脫今補入

其反也則陽物變爲陰物祐斷復生若以死
象生

按漢書五行志引京房易傳有斷枯復
生之語則祐斷當作枯斷

葦生不過一歲竹生不過四歲他物比之竹
葦九禁爲人辟也木之比也

按此四句當有脫誤

日食之比陰得陽蒙之比也陰冒陽也

蒙氣也比非一也邪臣謀覆冒其君先霧
從夜昏起或從夜半或平旦君不覺悟日
中不解遂成蒙君復不覺悟下爲霧也

按此注文見于後漢書郎顛傳注內原
本全脫今補入原本正文脫日字陽字
又也字訛耶冒字訛謂今並據郎顛傳
注改正

黃之比知善不舉青白之比疑也

謹按張惠
言曰君多

疑黑之比不掩惡也白之比弱也赤之比色元也謹按張惠言曰色元后以色選也

按元字疑誤

寬之比無德以色親也

寬邪氣也陰無德以好色得親幸于陽也

按後漢書楊賜傳引此文稱中孚經又引鄭注云云原本全脫今補入

震之比陰不靜風逆之比陰假作也

謹按張惠言曰

陽假旱之比陰潛陽起也寒燠之比亂水比

陰賞誅逆實霜之比陰假威霧之比陰亂陽
臣亂其君政事

黑一日黃滿五日赤三日

皆太陽色蒙亦然也

過乃爲異象八十二日變下爲青白霧

白者象物氣白也青者象幼雜任事象於
消息者一日後六日霧極六日爲三十六
日霧雜卦各以日

君不覺後七十二日變爲赤黃君復不政三

年蝕于正陽

二三四也

謹按張惠言曰脫月字

按君不覺三字原本混入注文今訂正

蝕一辰

蝕者日食辰者辰開

謹按張惠言曰開當爲問

寒燠水旱一時風雨逆實發旬中象者氣也象氣起而太陽強而明者陽覺寤其危悖辱異乃行黃之色悖如麴塵白青之色如縹

太陽色白青狀如縹青也

按原木如縹上脫色字今據文增

黑之異在日中分分也

黑色分分在日中

謹按張惠言曰分分惡卽紛紛古字假借

見臣有戒殺君不過三日

按分分疑當作雰雰漢書五行志雰氣寒是也

白之色白而不照其色悖

太陽白無明但陽體存悖悖狀如廢

赤之色輝輝也

太陽色無明赤然但體在赤中

赤不過爲疾病其色明者無能也

謹按張惠言曰雖赤

而其色明君無能爲之象

霓者氣也霓氣起在日側其色

赤青白黃在日旁震者地動也

陽不靜之象

風之爲異東西南北嘿無度

按嘿字疑有誤

謹按張惠言言曰嘿之言昧也

其逆者觸也水者雨也雨或不生寒者非其寒也燠溫也其時節溫也逆賁者旱霜一日

賊陰也。雩者霧也。一日久陰不雨霧之比也。陽感天不旋日諸侯不旋時大夫不旋期。

陽者天子爲善一時天立應以善爲惡一
日天立應以惡諸侯爲善一時天立應以
善爲惡一時天立應以惡大夫爲善一歲
天立應以善爲惡一歲天亦立應以惡一
說云不旋日立應之不過時三辰間不過
期從今日至明日也陽卽指天子也。

按後漢書郎顛傳引此文稱中孚傳又

引鄭注云云原本全脫今增入

凡異所生災所起各以其政變之則除其不可變則施之亦除

改其政者謂失火令則行水令失土令則行木令失金令則行火令則災除去也不可變謂殺賢者也施之者死者不可復生封祿其子孫使得血食則災除也

按郎顛傳注引鄭注有此文原本全脫今補入又原本政訛卦除訛陰今並據

耶顛傳注改正

祿之除也

謹按張惠言曰申上施之除

無以成

謹按張惠言曰謂不

施變不

三必敗或不改不祿而災日除者

按此上文有脫誤

觀本所起以知存亡

有此災異不改祿

謹按張惠言曰祿當爲敗

三不祿天

更光明陰陽和列星不失度乃賢者時政

也

謹按張惠言曰謂天下明天之意去此

卿

謹按張惠言曰卿當爲卿

來者常故得政卦入存常

無失者卦人亡

按此注文有脫誤

誤按張惠言曰謂得政之卦人存失政之

卦人亡

於中錄 於七經

按黃震日抄稱通卦驗有於七經於河
洛之目於理無所考今通卦驗並無此
目其文反見稽覽圖又不言於河洛而
言於中錄似是題篇之名而義不可曉
今姑仍舊文

乾十一月小君賢臣佐上天下有作謀九錄
之文天下風雨摠禾威政復聖人自西北立
坤六月有女子任政一年傳爲復五月有貧
之從東北來立大起土邑西北地動星墜陽
衛

按隋書王劭傳引此文而爲之釋曰坤
六月者坤位在未六月建未一年傳爲
復者復是坤之一世卦陽氣初生五月
貧之者貧之當爲眞人字之誤也原本

任訛作淫邑訛作色又脫立字今並據
劭傳改正

屯十一月神人從中山出趙地動北方三十
日千里馬數至

按隋書王劭傳引此文而釋之曰屯十
一月神人從中山出者此卦動而大亨
作趙地動者中山爲趙地以神人將去
故變動千里馬者屯卦震下坎上震於
馬作足坎於馬爲美脊也原本月上脫

一字又脫地動二字今並據劭傳改正
蒙正月天下東北經顏色陽國水大溢陽泉
需四月常從西北方進陽來名來公東海移
北三里夏雨寧 陽陰二十三日易君三年
訟三月下與上訟爭設行三月河水不流三
有德者祀之水乃西行兵甲事河十年有大
水古訟牛出領北山東北

師四月師動兵臨晉及謀于吳兵還太山東
南西北二十民死驚死生之憂三官地動大

星下民驚于水元師坤下故受流坤師號曰
躋戒秋分

比四月骨肉之親爭周文王武當有女子立
六年三死

小畜四月多風雨少民若有三牛青三角出
東南河海之濱杜衛侍兵之矣

履六月人民清係扁逆賞八尺二十戒井易
樂少雨西北神絕祝日在貴人

泰十月天生死女子用政八九年中子要有

未疵代之兵起西北東南三年解天久陰賢
趙陵爲佐典日再中食戒

否六月天下分爲國足無賢人政亂大風揚
名三陽晉書山趙泰承之兩月民盡見之
同人七月炎火與天同光其趙起及困未開
上守下爲民賊天下馬數下山東三年天下
大樂戒充煩戒之六年雨未黃龍下東北
大有四月天下甘露神雀出咸陽名上百獸
官撫其上安

謙十二月地大喊列名肥西南有壤壤山侵道大通天均光三日去有兵一年死女子家塚二月天氣神龜出室三牧侯一年東海濟南垣上戊己莫見九曹政不均三出

隨二月四年天下地中有雷在王庭國家大驚易君如有出蟲在市中白虹貫日蝕三蠱四月六年二月有外國來見神于國王以殺名臣見其年并禹折木疾水兵西方

臨三月三年兵謀陰言從事南陰池是頭後

有衝骨西方名牧卉夏屬

觀八月外國從西方來龍物王呂女後大亂
受法乘馬天下皆傷大風女子貴

噬嗑五月小人任政獄訟象眾兵大行備矣
至二有名尸尸

賁八月師國家本呂上二月死有神往來王
合神獸戰下東海

剝九月小人復君子三年大道 通丁正吉
東北西南

復十一月初氣元有年死君二年小邦王爲
正月六年大得削王復及圖其祠武夷天下
臨不雨九月解

无妄九月天下無雲而雷三十日之外雷行
夜從西南正東北位濟邑有中國周用上宮
武在弟

大畜八月天德明王侯人去城十二年天下
大昌女子立政三年去此地大神獸來見至
堂三年大獸出東北臺邑河邑

頤十二月有君王自敵三年癸邱興臨養民
年西南有懷山立三國去禹高官故遺人馬
生角六年三日並出

大過十二月子无下父去死東野澤海濱若
壤在咸市眾民西臺上地中及年天下憂眾
死者

習坎十一月不凍二破燕壤齊小國外不節
賢人於西來佐王年之大昌

數五月天下大旱女子淫男子淫各持其兵

外鄉三年盡小兒出十二年合鄉邑在南西
端倉邑

咸五月者天子去小人老是得天下之元易
官西南華爲重重代六年昌大維來見

恆六月小人勝君子奪其愛六年天下魁若
代成曰烏印郡鳴邑上是年百川及行盡不
通 遯卦

大壯三月小人用事君子奪之女子爲政九
年後後來立五帝出五帝出白帝見黑山北

晉四月有明鬼之王喜進出用者眾天下東
行西南北侯至列先四年

明夷十二月赤大生屬陽若陽若在邑東百
三十里五帝弟中國生大拔七月大水出其
下見

家人五月小家子出之井山之陽宗室亂狐
人刑冠政堂當生蓬蒿四年復

睽十二月始王易服邑國子南大淫四月大
行殊高陽元武王之起南方

塞十二月大鳥在蛟龍戲深淵北王天下命
生元武樂三大山變易

解二月大旱下民東北邱臺二年元受易刑
名嗣絕三年王嗣民司無名民思

損十二月兵賊重三年自與天下小逆流大
鳥下其邑天蒙北背白出西北方

益十月上下相益民年天下疾龍起邑東南
維北軍山東于上大風壞屋

夬五月

謹按張惠言曰
五月當爲三月

天下四月人生在邑

北替邑城南水上江河逆三月小人用事

姤五月天下女盡堂正一女五夫王家淫天下不治三年

萃九月天下聚眾相謀兵起車馳人驟來人西方白色天下昌其見陽生堂下

升十二月女子守十年下邑東北來立易變政治天地有心士眾賢爭養不死二侯三人女子殺之正北左行弟一

困九月小人來君子去小國破賢人亡兵行

隋免之生六年不義血兵刃小起東北取立
死

井四月水眾通出地涼東兵河梁大名杞在
北方白懷絕爰漢家禍

革六月五穀傷及草木旱熱赤地千里大官
炊火

鼎五月吳人君天與延年齒東北中庶人王

高德之

謹按張惠言周易終累義吳人作聖人
云北史藝術末京業傳引

震二月大海濯地至水之漚於上度得起天

年女立政八年

艮十二月君臣仁兵行三月地動其年旱有人從東北來長眉僂周鄭

漸二月有侯少仁疆有外兵四方不死地變有大鳥東南歸

歸妹十一月成威立王二十七婦及小國與神水芒成湯兵豐空無人大憂死人無兵革旅傷旱寒秋冬旱兵憂死秦

巽四月春生火風折太傷五穀風死秋風死

兌八月立秋女子榮其家茂大將養任易君
二世夷四圖來歸偏水大出東同齊南不分
渙五月有諸侯離邑爲民欲得將兵水復旱
金鐵貴高者興晉干邑武侯

節六月安國有惡君天下鳥多白兔緯拘見
天下日泉神路天下大山出蒙之處有移河
不死

中孚十二月人君之世安寧中孚女子亂世
于外天不信地數動中國祖絕嗣上君驚於

兵北夷衛隗

小過正月小過洩於中兵起於夷南故邑牛
牂歸鄉侯不勝是年有大水死王三人東北
大動晝昏日再中北方有貴人子走於紂

既濟九月年大水地臨三年不絕六世多血
未濟有故都破水國來兵四年九月有分國
陽殊邑

按以上依六十四卦次序各之辭蓋
卽悲緯之文語多艱深不可曉而訛脫

尤甚據王劭稱貧之二字爲真人誤則知自隋以前其書已有差錯今旣無別本可證姑仍舊文錄之

小過蒙益漸泰寅需隨晉解大壯卯豫訟蠱

革夬辰旅師比小畜乾巳大有家人井咸姤

午鼎豐渙履遯未恆節同人損否申巽萃大

畜賁觀酉歸妹无妄明夷困剝戌艮旣濟噬

嗑大過坤亥未濟蹇頤中孚復子屯謙睽升

臨丑坎六震八離七兌九

已上四卦者四正卦爲四象

謹按張惠言曰
金木水火之成

數每歲十二月每月五月

按五月月當作卦

卦六日七分每期三百六十六日每四分

按六日當作五日四分當作四分日之

一

甲寅伏羲氏至無懷氏五萬七千八百八十

二年 神農五百四十年 黃帝一千五百

二十年 少昊四百年 顓頊五百年 帝

曆三百五十年 堯一百年 舜五十年

禹四百三十一年 殷四百九十六年 周

八百六十七年 秦五十年

已上六萬三千六百一十二年庚戌年四百九十一年算

右總六萬四千一百三年相基加二年

按基當作期

推軌當日 術曰置軌以其歲之日除之得軌不盡日每分卽日之分也

推圻當日一術曰以二十四除圻數所得是日軌圻皆當歲之圻有餘如上

復一

十三

二十五

臨二

十四

二十六

泰三

十五

二十七

大壯四

十六

二十八

夬五

十七

二十九

乾六

十八

三十

姤七

十九

三十一

遯八

二十

三十二

否九

二十一

三十三

觀十

二十二

三十四

剝十一

二十三

三十五

坤十二

二十四

三十六

按以上三十二數周而復始原本於觀

剝坤下全脫今補入

震三十七

巽三十八

坎三十九

離四十

艮四十一

兌四十二

已上勾者是勘銘軌加之本經並無只
有單數不勾耳

以此條乃後人標識之辭原本混入正
文

右易姓四十二消息三十六 六子在其數

合八十四戒各有所繫而出之
純總有七其三法天其四法地

天三者三六十八地四者四六二十四

六十四卦策術曰陽爻九

以四時乘之得三十六

陰爻六

以四時乘之得二十四

軌術曰陽爻九七

各以四時乘之而并倍之得一百二十八

陰爻八六

各以四時乘之而并倍之得一百一十二
假合乾六位老陽爻九

四時乘之四九三十六

以三十六乘六爻得二百一十六少陽爻七
以四時乘之四七二十八

按二語應作夾注原木混入正文今改
正

以二十八乘之六爻得一百六十八已上二

數合得三百八十四因而倍之有七百六十八假令坤六位老陰爻六

四時乘之四六二十四

以二十四乘六爻得一百四十四少陰爻八四時乘之四八三十二

以三十二乘之六爻得一百九十二已上二數合得三百三十六因而倍之有六百七十二
二 乾坤二軌數合有一千四百四十

他卦隨陰陽爻倍之

凡陽爻用六十四爲法乘得倍之凡陰爻用五十六爲法乘得數倍之 推一百九十二爻術曰置六十四卦折半有三十二以六乘之得陽爻一百九十二陰爻亦一百九十二合二數得三百八十四 又法六爻以八乘之得四十八又八乘四十八得三百八十四爻也

從伏羲天元甲寅已來至大唐貞元年乙亥積二百七十六萬一千二百二十

算至元和年三月二百七十六萬一千

二百三十一算

按此文至唐元和年當亦後人所加今
退二字附書之

一乾

世戌初子

坤 世酉初未

二合坼

三百六十七

分各乾

二百一十六

坤

一百四十四

二軌合

一千四百四十

分各乾

七百六十八

坤

六百六十二
當作七十二

謹按張成孫日六十二

二屯

世寅初寅

蒙

世戌初巳

二合坼

三百三十六

分各屯

一百六十八

蒙

二百六十八

二軌合

一千四百八

分各屯

七百四

蒙

七百四

三需

世申初辰

訟

世午初卯

二合坼

三百八十四

分各需

一百九十三
謹按張成

孫曰四庫本三作二下同

訟

一百九十三

二軌合

一千四百七十四
日七十四當作七十二

謹按張成孫

分各需

七百三十七
三十七當作三十六下同

謹按張成孫曰

訟

七百三十七

四師

世午初子

比世卯初丑

三合圻

三百二十二

分各師

一百五十六

比

一百五十六

二軌合

一千三百七十六

分各師

六百八十八

比

六百八十八

五小畜

世子初申

履

世申初亥

二合拆四百八

分各小畜二百四

履二百四

二軌合一千五百四

分各小畜七百五十二

履七百五十二

六泰世辰初戊

否世卯初酉

二合拆五百六十

分各泰二百八十
謹按張惠言

曰凡三陰三陽三卦拆各一百八十泰
否獨多或是字誤

否二百八

二軌合一千四百四十

分各泰二百二十

否七百二十

七同人

世亥初子

大有

世辰初未

二合垢

四百八

分各同人

二百四

大有

二百四

二軌合

二千五百四
千當作一千

謹按張成孫曰二

分各同人

七百五十二

大有

七百五十二

八謙

世亥初寅

豫

世未初巳

二合垢

三百一十二

分各謙

一百五十六

豫

一百五十六

二軌合一千三百七十六

分各謙六百八十八

豫

六百八十八

九隨

世辰初辰

蠱

世酉初卯

二合圻三百六十

分各隨一百八十

蠱

一百八十

二軌合一千四百四十

分各隨七百二十

蠱

七百二十

十臨

世卯初午

觀

世未初丑

二合圻三百三十六

分各臨一百六十八

觀一百六十八

二軌合一千四百八

分各臨七百四

觀七百四

十一噬嗑 世未初申

賁 世卯初亥

二合坼三百六十

分各噬嗑一百八十

賁一百八十

二軌合一千四百四十

分各噬嗑二百七十

賁七百二十

十二剝 世子初戌

復 世子初酉

二合圻

三百一十二

分各剝

一百五十六

復

一百五十六

二軌合

一千三百七十六

分各剝

六百八十八

復

六百八十八

十三无妄

世午初子

大畜

世寅初未

二合圻

三百八十四

分各无妄

一百九十二

大畜

一百九十二

二軌合

一千四百九十二

謹按張成孫

分各无妄

七百四十六

謹按張成孫曰

四十六當作三十六下同

大畜

七百四十六

十四頤

世戊初寅

大過

世亥初巳

二合坼

三百六十

分各頤

一百六十八

大過

一百九十二

二軌合

一千四百四十

分各頤

七百四

大過

七百三十六

十五坎

世子初辰

離

世子初卯

二合坼

三百六

分各坎

一百六十八

離

一百九十二

二軌合

一千四百四十

分各坎七百

離

七百三十六

十六咸

世申初午

恆世酉初丑

二合垢

三百六十

分各咸

一百八十

恆

一百八十

二軌合

一千四百四十

分各咸

七百二十

恆

七百二十

十七遯

世午初申

大壯

世午初亥

二合垢

三百八十四

分各遯

一百九十二

大壯

一百九十二

二軌合

一千四百七十二

分各遜

七百三十六

大壯

七百三十二

十八晉

世酉初戌

明夷

世丑初酉

二合坼

三百三十六

分各晉

一百六十八

明夷

一百六十八

二軌合

一千四百八

分各晉

七百四

明夷

七百四

十九家人

世丑初子

睽

世丑初未

二合坵三百八十四

分各家人一百九十二

睽一百九十二

二軌合一千四百七十二

分各家人七百三十六

睽七百三十六

二十蹇世申初寅

解世辰初巳

二合坵三百三十六

分各蹇一百六十八

解一百六十八

二軌合一千四百八

分各蹇七百四

解七百四

二十一損 世丑初辰

益 世辰初卯

二合坼 三百六十

分各損 一百八十

益 一百八十

二軌合 一千四百二十

二十當作四十 謹按張成孫曰

分各損 七百二十

益 七百二十

二十二夬 世酉初午

姤 世酉初申

二合坼 四百八十

分各夬 二百四十

姤 二百四十

二軌合 一千四百

分各夬 七百二十

姤 七百五十二

二十三萃 世巳初申

升 世丑初亥

二合坼 三百三十六

分各萃 一百六十八

升 一百六十八

二軌合 一千四百八

分各萃 七百四

升 七百四

二十四困 世寅初戊

井 世戌初酉

二合坼 三百六十

分各困 一百八十

井 二百八十

二軌合

一千四百四十

分各困

七百二十

井

七百二十

二十五革

世亥初未

鼎

世亥初寅

二合圻

三百八十四

分各革

一百九十二

鼎

一百九十二

二軌合

一千四百七十二

分各革

七百三十六

鼎

七百三十六

二十六震

世戌初寅

艮

世寅初巳

二合圻

二百三十六

分各震

一百六十八

艮十一百六

二軌合一百八

分各震七百

艮七百

二十七漸世申初午

歸妹世丑初卯

二合垢三百

分各漸八百

歸妹一百

二軌合一千四

分各漸七百

歸妹七十

二十八豐世申初午

旅世辰初丑

二合拆三百

分各豐一百八十

旅一百八十

二軌合一千四百

分各豐二百二十

旅二百七十

二十九異 世卯初申

兌世未初亥

二合拆三百八十四

分各異一百九十二

兌二百九十二

二軌合一千四百七十二

分各異七百三十六

兌七百三十六

三十渙 世巳初戌

節 世巳初酉

二合坼 三百六十

分各渙 一百八十

節 一百八十

二軌合 一千四百四十

分各渙 七百二十

節 七百二十

三十一中孚 世未初子

小過 世午初未

二合坼 三百六十

分各中孚 一百八十
謹按張

惠言曰此誤中孚當一百九十二小過

小過 一百八十

二軌合百四十四

分各中孚七百三

小過四百

三十二既濟

世亥初寅

未濟

世未初巳

二合圻六百

分各既濟八百

未濟八百

二軌合百四十四

分各既濟二百

未濟二百

其下初合六十四卦流轉

推之術 置天元甲寅已來至受命以三十

二除之餘不足除者從乾坤始數算外主卦

而取世陰陽斷之世陽從陽爻三

陽爻三

世陰從

陰爻二陽從九除陰從六除商得數陽以

三乘之陰以二乘之因而半之卽是忌耳

謹按

張惠言曰書中每取卦月乘之

忌字乃與期通

此陽皆用九陰皆用六陽爻折皆三十六

陰爻折皆二十四而以世爻定陰陽又云

取卦月乘之則未審其法

假令賁卦世在初十一月卦世屬陽陽

爻三十六以九除之商得四以三乘之
得十二因而半之是忌耳 假令遯卦
世在三六月卦世屬陰陰之爻二十四
以六除之商得四以二乘之得八因而
半之是忌耳

按以上二節闡明世卦推算之法當是
後人所附益今退二字書之

推厄法 以入位年數除之軌合數算盡厄
也 甲乙饑 丙丁爲旱 戊己爲中興

庚辛爲兵 壬癸爲水

按此節別見後文疑有重出

父相甲寅景雲元年庚戌積六萬四千
三年算上至開元九年辛酉加上十一
年算上以三十二除之不盡三名入位
年合入需軌卦陰爻二十四以六除之
商得四二乘之得八因而半之四是忌
需卦軌合數一千四百七十二以入位
年三至甲寅加四算七除需合數除二

從父相庚申命之得辛兵推子厄用
父軌凡子受位但不得別立軌乃可救
災耳甲寅先天元年壬子積六萬四千
五年算上至開元九年辛酉加九算上
三十二除之餘五十盡五合入小畜軌
卦十一陽爻三十六以九除之商得四
以三乘之十二因而半之得六忌
按上推算至唐開元九年亦唐時術士
所加也

右六十四卦流轉注十二之辰

按此句爲總題圻軌三十六卦位之文
不應在此處蓋後人以他文闌入遂將

原文移向後耳

乾初子坤初未

謹按張惠言曰此圖陽卦以子寅辰午申戌爲次陰卦以

未巳卯丑亥酉爲次乾坤子未屯蒙寅巳需訟辰卯師比午丑小畜履申亥泰否戌酉周而復始正乾鑿度未簡所謂按圖違經不合有三者也然則貞辰不可用陽爻圻

數一爻三十六計六千九百一十二陽爻軌

數一爻一百二十八計二萬四千五百七十

六陰爻折數一爻二十之四謹按張惠言曰之字衍計

四千六百八陰爻軌數一爻一百一十二計

二萬一千五百四謹按張惠言曰各以陰爻

又合折謹按張惠言曰脫陽一萬一千五百

二十合二軌四萬一千八十謹按張惠言曰

誤一字於易卽位年數術曰已上各三十二乘

之卽得其數謹按張惠言曰此仍是求生歲

也折

乘軌折之法世屬陽卦者以九除之以三乘

之所得因而半之則是卽位期也能過此者
三乘所半之數卽終矣世屬陰卦者以六除
之以二乘之所得因而半之則得卽位期也
能過此者加所得卽中期也復能過此者以
二乘所半之數卽終矣謹按張惠言曰陽卦
一以九除之皆盡無餘者陽以三乘所謹按
言日脫則其年當數也謹按張惠言曰此申
得字
本耳以九六除之有餘者以所得乘之謹
者陰卦
張惠言曰但取所陽得正位增九於所乘陰
符乘之如無餘者

得正位增六於所乘則是位之數用陽日者屬陽卦用陰日者屬陰卦

乾初以六乘者謂始也陰失位在初坤初以九乘者謂復也陽得正位在初震兌離之象陰所乘之數也巽艮之象四所乘之數是卽位之時年數也

卦軌軌

謹按張惠

陽爻九七以四時乘之各

倍之爻百二十八陰爻八六以四時乘之各倍之爻百十二必用卽位年以卽位時太歲

呼之盡算之上則位之終歲也算外是未入
之年孔子曰終始之義在外內焉進退在二
年觀其政知其泰延與否也

推之術曰置天元甲寅以來數至受命位
之年數以三十二數除之不足除者以乾
坤始數算末卽得三歲之卦知直事之爻
在何辰謂乾直事於十一月子左行陽辰
六坤直事於六月未右行陰辰六陰陽交
錯行於十二辰一歲十二月而周也當以

卽主立時月爲政故曰知直事之爻在何
辰也所屬陰陽爻者也陽爻三十六陰爻
二十四者皆世所屬陰陽者也

推之法

卦陰

推世之所屬陰卦者假令卽

位之年得遯卦七月中也遯六月二陰
爻陰爻二十四以六除之得四以二乘
之得八因而半之得四則卽位之期也
能過此者所乘八歲之中期也復能過
此者三乘所半十二歲終矣陰陽正位

增六於所乘爲三十六年終矣 推之
法 綱推世之所屬陽卦者假令卽位之
年得賁卦十月亥也賁初陽爻三十六
以九除之得四以三乘之得十二因而
半之則得六則是卽位之期也能過此
者如所乘得一十則中期也復能過此
者三乘所半六得十八年終矣陽得正
位增九以所乘爲五十四巽艮之象四
所乘得三十六遠期算天元甲寅歲以

來至宋高祖劉裕禪晉歲在庚辰號爲
永初元年凡得積二百七十六萬八百
四十七年算上以三十二得六十四卦
爲除之不盡十五八坎離軌以宋辛酉
至周宣帝宣政元年戊戌歲有一百五
十八年元嘉元年卽當魏氏世祖太武
皇帝始光元以三十二除之不盡七命
之入大有軌一本云不盡十三爲入无
妄大畜軌六月未也六月位陰爻八以

四乘之八

謹按此八字衍

得三十二以六除之

得五餘不盡二以二乘之得十因而半

之得五初忌能過此者如所乘得十復

能過此者三乘所半五得十五終矣不

忌失位陰增八終三十二除之得四十

七丙午歲天下憂重侵逼也有餘福也

假令失位陽者四七二十八以九除

之得三餘不盡一以三乘所得九因而

半之得四有餘卽是卽位初期能過此

者得九中期也增復能過此者得十三
年終矣下期失位陽七於所乘得四十
二厄所遭有餘算福之也 假令得位
陰在六四六二十四以六除之得四無
餘以二乘之得八因而半之得四初忌
能過此者得八中忌復能過此者得十
二終矣下忌得位陰增六於乘得三十
六厄所遭也 假令得位陽在九四九
三十六九除之得四無餘以三乘之得

十二因而半之得六初忌能過此者中
忌也復能過此者得十八忌終也得位
陽增九於所乘得九五十四忌所遭也
按以上自推之術以下皆後人因卦軌
之義而闡衍其法故推至南北朝年數
非易緯本文也

推厄所遭法 以入位年數除軌數算盡厄
所遭 甲乙爲饑 丙丁爲旱 戊己爲中
興 庚辛爲兵 壬癸爲水 元算爲月

按此文已見前此處疑複見或亦後人所引耳

宋軌七百三十六庚申歲至今甲子歲
宋元嘉元年甲子宋高祖第二息文帝
義隆年號爲入位五年以五除軌數上
所得積周一百四十七餘所一厄所遭
也 丙寅歲入位七年以七除軌數上
得積周一百五軌命得庚寅主兵其年
起兵荊州謝晦也 癸未歲入位二十

四年以除軌數上得積周三十餘十六
不盡以庚申命之得乙亥乙丑饑其年
河南大饑豫州人相食 甲申歲入位
二十五年除軌數上積得二十九餘不
盡十一以庚申命之得庚午庚子兵馬
其年九州發兵征蠻 乙酉歲入位二
十六年除軌數上得積周二十八不盡
八以庚申命之得丁卯丁丑旱其年大
旱不收荳麥豫州禾粟皆早死 丙戌

歲入位二十七年除軌數上得積周二
十七餘不盡七以庚申命之得丙丙主
旱其年淮北二州春旱不能種稻 丁
亥歲入位二十八年除軌數上積周三
十六餘不盡八以庚申命之得丁卯丁
主旱其年大旱 戊子歲入位二十九
年除軌數上得積周二十五不盡十一
以庚申命之得庚午庚主兵其年大兵
己丑歲入位三十年除軌數上得積

周二十四餘不盡十六以庚申命之得
乙亥乙主饑其年荒糴貴 庚寅歲入
位三十一年除軌數上得積周二十三
不盡二十三以庚申命之得壬壬主水
其年徐兗州大水官軍因勢汎舟至滑
臺虜走後果失利也 辛卯歲入位三
十二年除軌卽算死所遭也以不盡法
二十三於上方除餘三十二以庚申命
之得辛卯辛主兵其年魏兵至江淮

壬辰歲入位三十三年除軌數上得積
周二十餘不盡以庚申命之得己巳
主中興 癸巳歲入位三十四年除軌
數上得積周二十一餘不盡二十一以
庚申命之得辛巳辛主兵其年二月二
十日甲子東宮大逆

按以上宋軌取宋文帝在位年數依法
推算穿鑿無謂文義亦不倫蓋爲後人
淺陋者所加

推軌之術 以天元甲寅已來至今受

命位之年以三十二除之餘不盡從乾

坤始數算則得主歲之卦知直事之辰

在何辰以甲寅年至大唐先天元年壬

子積二百七十六萬一千一百三十九

以三十六或云以三十二除之積八萬六千二

百八十五周不盡十九入家人睽軌至

元和十四年合二百七十六萬一千二

百三十六元和十五年庚午或云庚子積二

百七十六萬一千二百四十七法陽爻
以老陽數乘之陰爻以老陰數乘之隨
六爻陰陽多少乘訖并之爲分各數倍
分各爲垢合數也

按上推軌之術與前文畧同而重複錯
見者蓋前爲南北朝術士所發明而此
推至元和十五年則又唐人所增益也

中孚純坎公——初六 冬至十一月中廣漠風

解純震——初九 春分二月中明庶風

咸純離

初九

夏至五月中凱風

按乾元序制
記作景風

賁純兌

初九

秋分八月中閭闔風

屯侯

九二

小寒十二月節

豫

六二

清明三月節

鼎

六二

小暑六月節

歸妹

九二

寒露九月節

升公

六三

大寒十二月中日在坎

革

六三

穀雨三月中日在震

履

九三

大暑六月中日在離

困—— 六三 霜降九月中日在兌

小過侯—— 六四 立春正月節條風

旅—— 九四 立夏四月節按此下當厥
溫風二字

恆—— 九四 立秋七月節涼風

艮—— 九四 立冬十月節按此下當脫
不周風三字

漸公—— 九五 雨水正月中

小畜—— 六五 小滿四月中

損—— 六五 處暑七月中

大過—— 九五 小雪十月中

需侯 一一

上六

驚蟄三月節

謹按張成孫曰當作二月

大有 一一

上六

芒種五月節

巽 一一

上九

白露八月節

未濟 一一

上六

大雪十月節

謹按張成孫曰當作十一月

按以上以四正卦爻配二十四氣其說亦見於乾元序制記當是易緯本文

冬至日在坎

春分日在震

夏至日在離

秋分日在兌

易緯是類謀以此四正之卦卦有六爻

爻三一氣餘六十卦卦主六日七分八
十分日之七正歲三歲六十五日四分
日之一六十而一周乾象以中孚當十
一月六十中氣後十五日準兩卦強可
得十二月餘少三日當取十二月卦日
也右各以六日於決次乃不可簡取其
孤如此非是驗也以易緯推之無勞更
算二十四氣以成五日七分正五日准
四分之一未消息卽爲善矣

按以上亦當爲後人所加

八百諸侯正月

侯三月

侯五月

侯七月

侯九月

侯十一月

小過立春

豫清明

大有芒種

恒立秋

歸妹寒露

未濟大雪

二月初六

一日

六二

六日

九三

十一日

九四

十六日

二六五

二十日

上六

二十六日

二十七大夫蒙正月

大夫訟三月

大夫家人五月

大夫節七月

大夫无九月

大夫蹇十一月

初六 二日 九二 七日

六三

十二日

六四

十七日

六五

二十日

上九

二十七日

九卿益正月

九卿蠱三月

九卿并五月

九卿同人七月

九卿明夷九月

九卿頤十一月

初九

三日

六二

八日

六三

十三日

六四

十六日

九五

二十日

上九

二十七日

三公漸正月 三公革三月 三公咸五月

三公損七月 三公困九月 三公中孚十月

二二初六 四日 六二 九日

二 九三 十四日 六四 十九日

二 九五 二十四 上九 二十七日

天子泰正月 天子夬三月 天子姤五月

天子否七月 天子剝九月 天子復十一月

二 初九 五日 九二 十日

二 九三 十五日 六四 二十日

日 六五 辛晉 上六 三百
右是六陽月三十卦直事日依氣定日主一
爻

八百諸侯二月 侯四月 侯六月

侯八月 侯十月 侯十二月

需驚蟄 旅立夏 鼎小暑

巽白露 艮立冬 屯小寒

日 初九 一日 九二 六日

日 九三 十日 六四 十六日

六三 十三日 九四 十六日

六五 二十三日 上九 三十日

三公解二月 三公小畜四月 三公履六月

三公賁八月 三公大過十月 三公升十二月

初六 四日 九二 九日

六三 十四日 九四 十九日

六五 二十一日 上六 二十八日

天子大壯二月 天子乾四月 天子遯六月

天子觀八月 天子坤十月 天子臨十二月

|| 初九 五日 九二 十日 || || || || ||

|| 九三 十五 九四 二十 || || || || ||

|| 六五 二十 上六 三十 || || || || ||

按上文各卦圖俱取五德首一卦六爻
依日配之以例其餘原本多有脫落錯
誤今各依本卦補入至策數亦有脫者
未敢妄補姑仍其舊

應已上盡卦爻日並上一同

右是六陰月三十卦直事日依氣定日主一

爻

候六甲子日中寒暑風雨記其日占發時方
來萬不失一 幽冀起坎初六候之 兗鄭
坎六四候之 青齊震初九候之 徐魯震
九四候之 揚吳越離初九候之 涼益衛
兌初九候之 并雍秦兌九四候之 推四
正寒不侵公者夷兵若和氣者解八方伯寒
氣凶和吉風盛雨者坐刑殺霧將死若有和
氣王相三十日當疹妖氣爲賊盜

右是六陰卦月三十卦直事日依氣定
日主一爻

按此句已見前此處重出

艮遊魂中孚云豚魚吉利涉大川利貞
孚信也兩陰在內亦以五以中和之氣
候之兩陰猶民于君在上矣臣在下候
行中正之道政教信於民故謂之中孚
兩陰者三辰在亥爲豕爻失正故變而
爲小名言豚四辰在丑爲鰲鰲魚之微

者爻爲正變以其大節言魚三體兌爲
澤四值天淵二五皆坎爻如水水以水
度浸澤所養故吉互體是震震爲木二
爻巽爲風木在水上而風行之濟大川
象君能濟於難也

按以上乃鄭氏易義之文毛詩無羊篇
正義亦引此文惟缺首尾數語而正義
自浸澤以下尙有五亦以水灌淵則魚
利豚魚以喻小民也而爲明君賢臣恩

意所供養故吉云云此亦缺而未載疑
脫落也稽覽圖內有此文者蓋後人以
此書專論卦氣起中孚之義故引鄭氏
易說附入以相闡發並非易緯本文今
退二字附書之其字之脫誤則依詩疏
互爲校定云

補遺

日者陽德之母也

說卦五

日者陽精之宗月者陰之母也

以下俱清河郡本

日精火月精屬水

天有十二分日月之所躔也

按說雜五日月上有以字

謂壽星大火析木星紀玄枵娵訾降婁大梁實沈鶉首鶉火鶉尾十二次舍也

春日月行青道曰東陸夏日月行赤道曰南陸秋日月行白道曰西陸冬日月行黑道曰北陸

按說雜五日春行東方青道曰東陸夏日月行東南赤道曰南陸東南當作南方

春分奎夏至冬井秋分角冬至南斗

天地開闢五緯各在其方至處儀氏乃合故
麻以元焉說邪五末句作故麻以爲元

處儀時五星皆象於星紀

冬至冰益壯

益猶倍也

地乃坼鷓旦不鳴

鷓旦寒號鳥也常夜鳴求旦夏月毛盛冬
月裸體晝夜鳴號冬至陽生氣溫漸暖故
不鳴也

虎乃交

一虎孕七月而生山獸之長也吼則風從而
生百獸皆震恐也

日短至陰陽爭

爭不均也夜長晝短

小雪萬物運芸香生荔挺出蚯蚓結麋角解
麋喜澤而屬陰故冬至後角解也牡曰麋
牝曰麀并似鹿而目下多二孔

水泉滋雁北鄉

雁與燕往來相反冬則南翔夏乃北徂南就陽也北鄉惡其熱也

鵲始巢

鵲於季冬作巢開戶背太歲向大乙知來歲風多則巢必卑下來歲風少則巢高也雞始乳雉乃雊

雉因陽暉則鳴而句其頸也

立春風解凍蟲啟蟄魚上冰獺祭魚鴻北鄉鴻大雁也

天氣降地氣騰天地和草木生始雨水桃始
華倉庚鳴

倉庚黃鳥也鳴則蠶生

鷹化鳩玄鳥至

至謂之南也

日夜分雷電出蟄蟲振桐始華

桐枝濡脆而又空中難成易傷須成氣而

後華

此注古微書引作正文誤

田鼠化爲鴛虹蜺見萍藻生時雨降鳩拂羽

戴勝降

立夏蝻鳴

蝻蝻穴土而居吸風食土喜就燈光立夏後夜始鳴術云二鐵相摩蝻蝻卽至

蚯蚓出王瓜生苦菜秀靡草死麥熟

其時麥熟也

夏至螳螂生

按說邠五夏至景風至蟬始鳴螳螂生

螳螂始生曰螳螂得桑皮之精氣而生

博勞鳴

博勞一名鴟感陰氣而運殘害之鳥也飛
發聲嗅

反舌無聲

反舌百舌鳥也能反覆其口隨百鳥之音
也立春後則鳴轉不已至夏至感陰氣則
無聲

黍乃進含桃羞

含桃櫻桃也

日長至陽氣極陰氣生鹿角解

鹿喜山而屬陽故夏至後角解也

蟬始鳴

蟬蛻也蟣蟣化腹蛸折背出而爲蟬卽螻也又曰詩幽風五月鳴蜩

半夏生木堇榮溫風至蟋蟀穴

穴居壁中也蟋蟀之蟲隨陰迎陽居壁向外趨婦女織績女工之象若失以節似女事不成有淫佚之行因夜爲姦乃爲門戶

夜開

鷹乳翔草化螢

腐草之節化爲螢也

立秋涼風至白露降寒蟬鳴

寒蟬寒蜩也又曰蟋蟀卽蟋蟀也

鷹祭鳥天地肅穀粟登

登成也

盲風至雁南鄉

南鄉惡其寒也

玄鳥歸

歸之北也

羣鳥羞日夜分雷收聲蟲虺蟄

蟄藏也

殺氣盛陽氣衰水始涸

秋分鴻鄉南爵爲蛤

蛤小蚌也

鞠華黃羽祭獸寒氣生

立冬水始冰地始凍雉爲蜃

蜃大蛤也雉與蛇交則生蜃得其類也孟

冬則雉入水化爲蜃

蛭蜃潛天氣騰地氣降上下不通天地閉塞
陽氣將發陰氣未消故天地不通也

寤者陰寤以月奇陽寤以月耦陰寤先內男
子當令奇陽寤先內女子當令耦乃言陰寤
內男子三人陽寤內女子二人
按說郭五月
奇作日奇餘
俱同